



Aelodaeth QAA ar gyfer Darparwyr Addysg Uwch y DU yng Nghymru

Cytundeb Aelodaeth

Ein hymrwymiad i chi

Mae Aelodaeth QAA yn cadarnhau ein hymrwymiad parhaus i weithio gyda chi i ddarparu ystod o wasanaethau ymatebol wedi'u teilwra sy'n diwallu anghenion penodol addysg uwch yng Nghymru.

Mae aelodaeth yn adlewyrchu'n llawn natur y gwaith partneriaeth cydweithredol sy'n cael ei ddatblygu yng Nghymru. Mae aelodau'n llunio'r gwaith a wnawn - trwy Brifysgolion Cymru, Colegau Cymru, grwpiau sector fel Rhwydwaith Ansawdd Cymru, a thrafodaethau rheolaidd â Chomisiwn Addysg Drydyddol ac Ymchwil Cymru (Medr) a rhanddeiliaid eraill. Bob blwyddyn byddwn yn ceisio cynllunio gweithgareddau i ddiwallu'r blaenoriaethau penodol yr ydych chi, fel aelodau, yn eu nodi sydd bwysicaf i chi.

Fel aelodau o QAA, bydd holl staff a myfyrwyr pob darparydd addysg uwch yng Nghymru'n parhau i gael mynediad at ein holl adnoddau. Pan fyddwch yn cofrestru fel defnyddiwr gwasanaethau Aelodaeth QAA, byddwn yn cysylltu â chi trwy e-bost i roi'r wybodaeth ddiweddaraf i chi o ran newyddion QAA a diweddariadau ar gyfer yr aelodaeth am ddigwyddiadau a gweithgareddau. Mae gennym hawl gyfreithlon i wneud hynny, fel yr amlinellir yn [Hysbysiad Preifatrwydd](#) QAA. Os nad ydych chi eisiau derbyn y cyfathrebiadau hyn, gallwch chi roi gwybod i engage@qaa.ac.uk.

Gall aelodau Cymru gael mynediad at yr holl adnoddau sydd wedi'u cynnwys yn Aelodaeth lawn QAA a'r pecyn *International Insights*.

Ein haelodau yng Nghymru

Mae pob darparydd addysg uwch a reoleiddir yng Nghymru'n aelodau. Mae'r Brifysgol Agored ar draws y DU yn aelod o QAA ac mae hefyd yn cael mynediad at weithgareddau ac adnoddau aelodaeth yn y gwledydd datganoledig. Gall darparwyr nad ydynt yn cael eu rheoleiddio sy'n darparu addysg uwch hefyd fod yn aelodau o QAA.

Meini prawf ar gyfer aelodaeth

I gael mynediad at fanteision Aelodaeth QAA, mae angen i chi fod:

- 1 yn endid cyfreithiol sydd wedi'i gofrestru neu ei sefydlu yn y DU; ac
- 2 yn darparu cymwysterau'r DU a gydnabyddir naill ai:
 - a) ar Lefel 4 ac uwch y *Fframwaith ar gyfer Cymwysterau Uwch Cyrff Dyfarnu Graddau yng Nghymru, Lloegr a Gogledd Iwerddon* (FHEQ); neu
 - b) ar Lefel 7 ac uwch *Fframwaith Credydau a Chymwysterau'r Alban* (SCQF);

a

3 yn amodol ar un o'r canlynol:

- a) adolygiad gan QAA; neu'r
- b) trefniadau ansawdd neu reoleiddiol sy'n berthnasol i addysg uwch yn un o wledydd y DU; neu
- c) oruchwyliaeth (er enghraifft, trwy bartneriaeth gydweithredol ffurfiol) darparwydd sydd ei hun yn destun y trefniadau ansawdd neu reoleiddiol sy'n berthnasol i sefydliadau addysg uwch yn un o wledydd y DU.

Bydd campysau cangen rhwyngwladol angen Aelodaeth QAA ar wahan i'r campws cartref.

Ffioedd aelodaeth

Mae'r flwyddyn aelodaeth yn rhedeg o 1^{af} Awst i 31^{ain} Gorffennaf a chaiff anfonebau eu cyflwyno ym mis Mehefin a mis Gorffennaf. Gall mynediad at adnoddau a gweithgareddau QAA gael ei gyfyngu os na thelir anfonebau o fewn 30 diwrnod.

Byddwn yn adolygu ffioedd aelodaeth yn flynyddol ac yn eich hysbysu ynghylch unrhyw newidiadau cyn diwedd y flwyddyn aelodaeth.

Bydd aelodaeth yn dod i ben yn awtomatig os na chaiff anfoneb ei thalu o fewn 30 diwrnod, neu os bydd unrhyw newid sy'n effeithio ar allu'r aelod i fodloni'r meini prawf cymhwysedd.

Nid yw aelodaeth yn drosglwyddadwy ac ni ellir ei had-dalu. Pan fydd dau neu fwy o Aelodau QAA yn uno, bydd QAA yn ystyried a chadarnhau cymhwysedd y darparwydd newydd, sydd bellach wedi uno, i fod yn aelod.

Mae aelodaeth yng Nghymru'n parhau i gynnwys nifer penodedig o leoedd ar gyfer staff a myfyrwyr mewn digwyddiadau a gynlluniwyd er mwyn aelodau yng Nghymru. Mae aelodaeth ledled y DU yn cynnwys lleoedd yn nigwyddiadau eraill QAA ynghyd ag amrywiaeth o adnoddau ledled y DU y gellir cael mynediad atynt trwy ein gwefan Adnoddau Aelodaeth. Mae gweminarau ychwanegol sy'n mynd i'r afael â materion bydeang yn ogystal â chyfleoedd i gydweithio ledled y DU hefyd wedi'u cynnwys.

Adnoddau sydd ar gael i'r cyhoedd ac adnoddau'r aelodaeth

Bydd QAA yn parhau i gyhoeddi'r holl ddeunyddiau rheoleiddiol ar wefan QAA yn unol â'r trefniadau rheoleiddio perthnasol ym mhob gwlad. Mae hyn yn cynnwys y fframweithiau cymwysterau cenedlaethol a Chôd Ansawdd Addysg Uwch y DU. Bydd fersiynau cyfredol o gyfeirbwyntiau eraill (Datganiadau Nodweddion a Datganiadau Meincnod Pwnc, yn ogystal â Chyngor a Chanllawiau ar y Côt Ansawdd) yn parhau i gael eu cyhoeddi ar wefan QAA a byddant ar gael i'r cyhoedd.

Mae'n bosibl y bydd fersiynau yn y dyfodol a diweddariadau o'r gyfeirbwyntiau a ddatblygwyd gan QAA ar y cyd â'r gymuned sy'n aelodau ar gael i aelodau'n unig. Bydd unrhyw gyfyngiadau'n cael eu penderfynu gyda'n haelodau.

Bydd adnoddau a ariennir yn uniongyrchol gan Medr (Y Comisiwn Addysg Drydyddol ac Ymchwil) trwy drefniadau grant ar gael i'r cyhoedd. Bydd ystod eang o gyhoeddiadau eraill QAA yn parhau i fod â phenawdau neu grynodedbau yn unig ar ein gwefannau cyhoeddus, gyda'r wybodaeth lawn ar gael i'n haelodau yn unig, a gellir cyrchu'r wybodaeth honno ar ein gwefan Adnoddau'r Aelodaeth.

Trosolwg o egwyddorion aelodaeth

Pan fyddwch chi'n prynu Aelodaeth QAA, rydych chi'n buddsoddi yn ansawdd profiad academiaidd eich myfyrwyr. Gall pawb yn eich sefydliad fanteisio ar y buddion a gewch o'ch Aelodaeth QAA. Bydd rhai deunyddiau ar gyfer defnydd Aelodau QAA yn unig, a gellir cael mynediad atynt trwy ein [safle Adnoddau Aelodaeth](#).

Bydd gan bob aelod o staff a myfyriwr o fewn sefydliad sy'n aelod fynediad at Adnoddau Aelodaeth.

Mae aelodaeth o QAA yn dynodi ymrwymiad i ansawdd ac i gynnal hyder y cyhoedd mewn addysg uwch yn y DU. Mae'r ymrwymiad hwn yn seiliedig ar ddisgwyliad o ymddygiad da a phroffesiynoldeb.

Mae [telerau ac amodau](#) llawn yn ymwneud â darparu gwasanaethau aelodaeth i'w gweld ar ein gwefan.

Atal neu derfynu aelodaeth

Gellir atal neu derfynu aelodaeth os:

- yw Aelod yn ymddwyn mewn ffordd sy'n dwyn anfri arno'i hun neu ar y sector addysg uwch neu QAA
- canfyddir bod Aelod wedi torri unrhyw amod, safon neu ofyniad rheoliadol
- mae Aelod yn gweithredu'n groes i egwyddorion Aelodaeth QAA
- ni all Aelod ddangos ei fod yn gymwys i fod yn aelod mwyach.

Cyhoeddwyd - 7 Mai 2025

© Yr Asiantaeth Sicrhau Ansawdd ar gyfer Addysg Uwch 2025
Rhifau elusen gofrestredig 1062746 a SC037786
www.qaa.ac.uk